

# BONERIANO

Un dori lo bula di un trono di oro pa un plas di lodo.

EDITOR:  
Bonaire Communication Services N.V.

Djaweps 2 Novèmber 2023 | Preis: \$1.25

# BONEIRU DEN BLACKOUT

Premio Kultural 2023 pa FuHiKuBo



Fundashon Históriko Kultural Boneriano (FuHiKuBo) a haña 'Premio Kultural 2023' otorgá pa Prins Bernhard Cultuur Fonds. Entrega di e premio a tuma lugá na Mangasina di Rei djamars último. Foto ta mustra Bòì Antoin, presidente di FuHiKuBo, ku e premio (obra di artista Hortence Brown) den su man, huntu ku miembronan di Prins Bernhard Cultuur Fonds i Emma Pratt, lider di proyekto na FuHiKuBo.

## Rama kousando peliger

pag11

Gift CARD

City Shop

Smart shopping • Better living

Easy, nice and thoughtful

MADAM X

Madam X den sapatu di turista

pag5

PA TUR BO PIESA I TIRE PA BO AUTO, BUS OF TRUCK

**NAPA**

KAYA CARLOS A. NICOLAAS | 717-6272

GARTISH #1

SABADAO

04 NOV 2023 | 8:30 - 16:30

BIG DISCOUNTS, LIVE MUSIC AND DELICIOUS BBQ GRILL

BONE AVAILABLE BONE MERCH

KAYA BONGO #8, NIKIBOKO ZUID | 717-8707

xerox™

OBERSI ELECTRONICS BONAIRE

LIVE FM 99

# Partisipashon grandi na tayer fondo Union Europeo

KRALENDIJK -- E tayer ku International Desk Bonaire di Entidat Públiko Boneiru a organisá, a hala hopi organisashon ku tabata interesá den mas informashon tokante kon pa yega na fondonan di Union Europeo.

Na yegada di e partisipantenan, nan a haña un kaluroso bon biní di parti di e tim di International Desk, ku tabatin refuerso di e 'Trainee di Reino' di Representashon Diplomátiko Spesial di RCN.

E tayer a kuminsá ku un introdukshon kòrtiku

di Esther Broekema, kordinadó di proyekto di International Desk. Despues Felix Braeckman, skirbidó di proyekto di International Desk, a kuminsá ku su presentashon tokante e fondonan di Union Europeo.

E presentenan a haña informashon tokante e fondonan di Union Europeo ku ta disponibel pa Boneiru, e proseso di entrega di un proposishon i fondonan di Union Europeo ku organisashonnan Boneriano por hasi uso di dje.

Durante e tayer, a bira

evidente kon importante un laso di kolaborashon entre organisashonnan ta pa un isla chikitu manera Boneiru.

Pa medio di traha huntu, organisashonnan na Boneiru ta hasi nan chèns mas grandi na momentu di entrega di un proposishon. Na final di e tayer, den forma espontáneo, e partisipantenan tabata hasi trabou di ret pa pone sierto pasonan den direkshon di un posibel laso di kolaborashon.

Tin vários programa di Union Europeo i programa di Nashonnan Uní ku ta

ofresé hopi oportunidat pa Boneiru riba tereno di desaroyo di konosementu i sosten finansiero, tantu pa Entidat Públiko Boneiru, komo pa interesadonan den komunidad Boneriano.

Pa e motibu akí entrante 1 di yüli 2022 a bini ku un ofisina

internashonal pa Boneiru, ku komo meta pa komparti informashon tokante fondonan Europeo i otro fondonan internashonal, ku ta disponibel pa Boneiru. Pa motibu di e interes grandi den e tempu binidero ta bai organisá mas tayer.



## Pronóstiko di tempu pa Boneiru

Djárason 01 te Djaweps 02 Novèmber 2023

Algún áwaseru pisá ku mal tempu i chèns pa molèster di awa lokalmente

Awe i mañan ta parsialmente te hopi nublá i prinsipalmente den anochi i mainta lo tin algun áwaseru i mal tempu. Lokalmente por tin hopi áwaseru den poko tempu i esei por kousa molèster di awa. Bientu ta variabel i suak te moderá, forsa 2-3. Durante di áwaseru tin chèns pa bientu moderá for di direkshon sùitwèst i ráfaga te 60 km/ora. E temperatura máksimo lo ta aproksimadamente 33°C, e temperatura mínimo mas o ménos 25°C.

Altura di ola: aproksimadamente 1.0 m (3-4 pia).

\* Altura di ola válido pa laman grandi

# BONEIRU DEN BLACKOUT

**KRALENDIJK-** Ayera, 1 di novèmber Boneiru tabata den blackout. Alrededor di 3'or di mèrdia e isla a konfrontá ku interupshon riba e ret di koriente kompleto. Mesora WEB a anunsiá ku e kousa di e interupshon ta konosí. Vários akohida di mucha a pidi mayornan pa buska nan yunan mirando ku no tin koriente, pues no por hasi uso di èrko òf fèn. Konsekuentemente algun hefe di unidatnan di Rijksdienst Caribisch

Nederland (RCN) a duna empleadonan oportunidat di bai kas tempran. **BONERIANO** a komprondé di bosero di Fundashon Mariadal (FM) ku e blackout no tabatin niun klase di influensia riba e proseso di kuido òf na botika. Esaki mirando ku FM ta dispone di un 'generator'. Por lo general Boneiru no a eksperensia hopi molèster di e blackout. For di komienso di dia tabatin indikashon di problema ku suministroo

koriente. WEB a indiká pa motibu di basta demanda riba e ret, a pone preshon riba e produkshon. Despues di un investigashon preliminar téknikonan di WEB i CGB ta prepará pa gradualmente kuminsá ku e proseso pa restablesé koriente den un forma kontrolá pa e barionan afektá. Téknikonan a konstatá un problema di stabilitat den e sistema di produkshon i transmishon di elektrisidat.

E situashon lo keda delikado pa e próksimo oranan. Habitantenan di bario ta spera pa restablesé koriente sinembargo

Boneiru a hañ'e den un blackout. A kuminsá gradualmente ku e proseso pa restablesé koriente, alrededor di mitar di sinku di atardi.



## Reunion pa miembronan di UPAH

**KRALENDIJK** -- reunion di 25 di yüli di e Djadumingu benidero 5 di novèmber, Union di Penshonado pa Adelanto i Hustisia (UPAH), ta tene su reunion statutarario anual pa su miembronan. E reunion akí ta unu hopi krusial, relashoná ku e desishon ku mayoria grandi di miembro den e

reunion di 25 di yüli di e añ a akí na Mangasina di Rei, pa kana e kaminda di independisashon di e organisashon. Tópiko prinsipal riba agènda di e reunion ta e proseso i ruta pa yega na independisashon di UPAH Boneiru. E reunion importante akí ta

tuma di 10'or pa 12'or di mainta den sala di reunion di e edifisio di Scouting, Kaya Nikiboko Nort 2. Direktiva di UPAH Boneiru ta hasi un apelashon na tur miembro pa asistí na e reunion akí pa disidí futuro di e organisashon i ta konta ku presensia.

### Konhuntamente ku Surround Vibe Tourism Corporation Bonaire ta bai organisá e di tres Bario Festival 2023

**KRALENDIJK** - Tourism Corporation Bonaire (TCB) i Surround Vibe ta bai organisá e di tres Bario Festival ku ta bai tuma lugá na Rincon. E evento ta tuma lugá riba djasabra 4 di novèmber 2023 kaminda un tremendo ambiente ta garantisá. E Bario Festival akí ta kuminsá for di 12 or di merdia i ta dura te 11 or di anochi. E programa ta kargá ku músika i tin stènt ku ta bende kuminda lokal. Agrupashon musikal Grupo Eso, Foyan Boys, Grupo Sabor Krioyo i DJ ta presente pa animá e atardi i anochi akí. Pa

duna e Bario Festival un toke mas spesial lo bai tin torneo chikitu riba vèlt di Luciano 'Boy' Frans, mihó konosí komo vèlt di Johan Crujff ku timnan di bario i hopi mas. E Bario Festival ta tuma lugá riba tereno di ICK RINCON. Entrada ta kompletamente grátis. TCB i Surround Vibe kier a ekstendé un invitashon na pueblo di Boneiru i tambe na tur nos bishitantenan pa bin pasa un ratu ameno huntu ku nos riba djasabra 4 di novèmber 2023 den e di tres edishon di Bario Festival ku ta bai tuma lugá na Rincon.



# Miss Grand Bonaire ta yega djasabra

**KRALENDIJK** -- Miss Grand Bonaire, Ruby Pouchet, ta regresá kas despues di e sertámen di Miss Grand International 2023, na Vietnam, despues di kasi 2 luna den eksterior pa entrenamentu i tambe pa partisipá na e kalendarío di evento di e sertámen akí. E partisipashon di Ruby Pouchet na e sertámen di Miss Grand International no tabata nada ménos ku ekstraordinario. Pa promé biá un representante di

Boneiru ta partisipá na e sertámen akí. I Ruby no solamente a muestra su grasía i beyesa, pero tambe a sigurá ku mundu ta konosé Boneiru. E organisashon di Miss Bonaire ke invitá henter komunidad pa risibí Ruby na Aeropuerto Flamingo djasabra 4 di novèmber pa 6'or ku e buelo di United Airlines. Laga nos kolektivamente muestra Ruby kon orguyoso nos ta di dje i yam'é danki pa un tremendo trabou hasí.



**èxtra**  
...number 1  
[www.extraboneiru.com](http://www.extraboneiru.com)



## EDITORIAL

## Arena di wega di polítiko

E último diputado di e koalishon nobo a huramentá. Ku esaki a kuminsá gobernashon di e koalishon nobo. Un koalishon ku básikamente a bisa pa no wak patras, tur bista dirigí pa ku futuro. Pero si no wak patras, kon otro nos por evitá un otro kaida di gobièrnu?

Pues mester profundisá i bai un tiki mas den detaye di e sirkunstansianan ku a kondusí na kaida di gobièrnu. Esaki a kulminá djamars dia 24 di òktober último den sala di reunion na e edifisio di Passangrahan.

Pa por haña un bista di e totalidat mester bai bèk un tiki den tempu tambe. Resultado di e último elekshon pa Konseho Insular tabata PDB 3, UPB 3, MPB 2 i M21 ku 1 asiento. Despues di un periodo relativamente kòrtiku di formashon e partidonan UPB i MPB a yega na un akuerdo pa forma un Kolegio Ehekutivo pa Entidat Públiko di Boneiru.

PDB a bin ku algu nobo den e trayekto di formashon i a nombra un formadó den persona di Arjen de Wolf. Sinembargo e partido i e lider ku mas voto a keda pafó di gobièrnu. Den un akto ku ekspertonan a konsiderá komo unu di desesperashon, PDB i M 21 ta firma un akuerdo ku sinembargo por konta ku solamente 4 di e 9 asientonan den Konseho Insular.

No ta straño ku e zèt akí a kai malu serka tantu UPB komo MPB, pues a kore baha esaki for di facebook, sinembargo e daño tabata grandi. Ultimadamente mester a konformá ku bankinan di oposishon.

Eks-diputado i miembro di Konseho Insular Nina den Heyer, ku a keda sin bai elekshon, a deklará públikamente ku e lo kampañá pa un hende muhé. Hopi ta esnan ku a kere ku ta lider di M 21 esaki lo ta. Pero a postulá Gianni van de Heuvel riba lista di e partido kòrá, a eksigí un number mas haltu riba lista, pero mester a konformá ku number 10.

Apesar ku PDB tin 2 miembro di Konseho Insular, ku ta ora di vota so bo ta tende nan bos, tòg Makaai i Crestian a regresá riba e stul den Passagrahan. Lògikamente ku e kabesantenan di lista di e partidonan di oposishon a huramentá i drenta Raad.

Komo ku lei ta bisa ku e puesto di miembro di Raad i Diputado no ta kompatibel, kabesante di lista di tantu UPB komo MPB mester a gradisí i keda sin drenta Konseho Insular. UPB a skohe 2 miembro ku eksperensia i un kara nobo, miéntras ku MPB a opta pa un kara nobo i unu ku den pasado tabata miembro kaba. Algu ku te awe a keda poko straño òf kisas ta kuadra ku e kos nobo, ku ora ta kumbiní ta koba saka for di baul, ta e nombrashon unánimemente di Arjen de Wolf komo Griffier.

Algun siman promé ku su nombrashon e persona akí a muestra koló polítiko, siendo ku e puesto di Griffier mester ta okupá pa un figura independiente di polítika. Te ainda no komprondé kiko a hunga un ròl grandi ora e

mesun Griffier akí ta organisá un biahe di plaser pa Åland, pa asina sera konosí ku loke mester ta 'E status estatal ideal pa Boneiru'. Personanan liga na polítika ta bisa ku ta dulsura di poder.

Koalishon i oposishon ta bula subi avion. Na regreso for di Åland e delegashon ta permití Griffier prepará un kantidat di konsepto di lei i regla ku ta yuda Konseho Insular biba 'lekker'. Por ehèmpel tin oumento substansial di e sèn ku kada miembro ta kobra pa luna, tambe kada frakshon ta bai haña mas sèn, e cherry riba e bolo ta ku e Griffier lo haña un credit card na su disposishon i e funshonario akí por tuma empleado den servisio i retirá esakinan, sin outorisashon di Raad. Tur esakinan ta tuma lugá sin Gezagheber ni rel ni trel.

Representante di Reino tambe a sinta man krusá sin hasi nada. Dikon? E deroche di plaka di pueblo akí ta kontra lei i ta BZK for di Den Haag mester a para e fiesta akí. Griffier, ku bendishon di Konseho Insular, ku a prepará e leinan ilegal akí, na nos konsepto a pasa un gran bèrgwensa. No solamente dor di demostrá nan ignoransia i inkapasidat, sino tambe a muestra kon sinbèrgwensa nan ta.

Ora ku Hulanda a hala atenshon di Boneiru, mustrandu riba violashon flagrante di Wolbes i Finbes, koalishon a disidí di bèk manera kangreu i vota kontra i skapa Boneiru di un bèrgwensa.

Segun nos opinion tin ehèmpelman fuerte indikando kon Griffier a konspirá ku oposishon, ku koperashon di miembronan di koalishon.

Kiko a pone nan sukumbí? Ta di spera ku no ta plaka, puesto i poder. Kiko a pone ku Konseho Insular a kai den e trampa pa nombra i konfia un Griffier ku opviamente ta partidista, pues nunca e por ta konfiabel.

Liderato di tantu UPB komo MPB a drumi i laga awa pasa hariña i awe nan a pèrdè mayoria den Konseho Insular i nan gobièrnu a bai kas.

Partidonan ku hopi hende ku eksperensia i konosementu di lei den nan fila a faya masha pisá mes. O kisas lidernan polítiko, ku te ku poko dia ei tabata diputado, a ignorá e advertensianan duná na nan.

Albert Einstein a yega di bisa "Nada no ta kousa mas konsternashon den un grupo di hipókrita, ku un hòmer honesto."

Si nos analisá bon, nos ta nota ku tin desepshon asta iritashon. Sinembargo ni oposishon ni koalishon a demostrá konsternashon. Kon Einstein lo analisá esaki? No tin grupo di hipókrita òf no tin niun hòmer honesto? Tempu lo ta e mihó maestro.

Komo medio di komunikashon, BONERIANO lo ta atento i lo vigilé tur desaroyo polítiko den futuro i asina informá nos komunidad di weganan polítiko ku ta tuma lugá.

Siña di dje tabata su último deseo

# Di dos pashènt ku kurason di porko a muri

**K R A L E N D I J K / BALTIMORE** – E di dos pashènt ku a haña transplante di kurason di un kurason genétiko modifiká, a muri. University of Maryland Medical Center na Baltimore, a informá ku e Merikano, Lawrence Faucette, despues di kasi seis siman despues di e operashon, tòg a muri. Dia 20 di sèptèmber a oper'è. El a yega 58 aña. Faucette ta e di dos persona ku nunca anterior a haña un kurason asina. E promé pashènt tabata David Bennett di 57 aña. El a resultá den hospital dos aña pasá ku malesa di kurason menasante pa su bida i a muri dos luna despues ku komo e promé persona na mundu a haña un kurason di porko genétikamente modifiká. Serka Bennett parse ku e

kurason a keda infektá ku un vírus di porko. Faucette a muri djaluna dor ku su kurpa a nenga e kurason di porko, e hospital a bisa. Ámbos pashènt no a bini na remarke pa un donante di kurason humano, komo ku ya nan tabata seriamente malu. “Nos ta rou pa e pèrdida di Faucette, un pashènt remarkabel, científiko, veterano di marina i tata di famia kende gewon ke a pasa mas tempu huntu ku su famia,” e spesialisista ku a ehikutá e transplante, a bisa. E promé luna ainda no tabatin señal ku e kurpa lo e nenga e kurason di porko. E tabata presta bon, University of Maryland Medical Center, ta informá. E hòmer a haña terapia fisiko i tabata trein pa bolbe kuminsá kana, pero despues


a originá tòg síntomanan ku e kurpa a nenga e kurason. E último deseo di Faucette tabata pa por siña mas tantu

posibel di nos eksperensia, pa asina otro haña chèns riba un kurason nobo sí e órganu humano no ta

disponibel. El a konta e tim di dòkter i enfermera ku e tabata stima nos. Nos lo sinti su falta hopi.



## MADAM X



# Madam X den sapatu di turista

Siman ariba ei, pasando na Malekon, mi a mira un barku di turista, un krusero, stashoná na Waf Chico Mercelina. M'a disidí di stashoná mi wacharaka, kita mi sapatu di bonasairia, pa bisti sapatu di turista. Turista riba mi mes isla. No tabata fásil pa haña parkeo. Boso mes sa. Parse ku tin mas outo ku ser humano riba nos (eks) dushi Bonè. Mi a kore basta buelta den Playa buska parkeo, apear kaya será aki i aya, en konekshon ku tin krusero, konstrukshon di kaya etc etc. M'a haña un tehi. Gloria a bisa mi den siman ariba ku Playa no ta

kos di bai ora tin krusero, pasó ta sera kaya. E tiki parkeonan ku tin tambe ta bira mas limitá. Mi mente a pasa kòrdando loke Gloria a bisa mi, ei gasolin a subi ta mihó bini otro dia. Mi a yega kas atardi, sintá ta dal mi kòfi mi a subi Internèt riba mi tablet pa mi chèk e website mira ki dia tin barku, pa no plania bai kana den kaya nèt e dianan ei. Mi a chèk e skema. Su dia siguiente no tin barku. Nèt bon pa mi dal un trep den kaya grandi. Pòtmòni na gritu di harimentu, wèl ta di probechá invertí den ekonomia di Boneiru. Dia a yega. Mi a bai bon trempa pa mi a chèk

kua kafé ta habri tempran, ya mi ta desayuná, despues sigui wandu den kaya. Pa mi suerte mi a haña un parkeo na komienso di kaya. Dios i suerte di pushi pretu tabata ku mi, ku mi a yega haña parkeo mesora. Mi a kuminsá mi rekorido den patamobil den Kaya Grandi. Drenta Kaya Grandi, muzik ta zona banda di TCB, hisa kara na laria mira spiker poné, muzik ta alegrá mi oido, rei mi stima muzik i foral muzik trankil. Kanando mi ta mira e inovashonnan ku ta tumando lugá den kaya. Mi a mira e inovashonnan aki di Kaya Grandi riba media sosial i den

BONERIANO, pero mi mes masha ten sin bin den Playa. Mirando e kaya aki awor personalmente, wèl un duele na mi kurason.... Mi tin di bisa: “Playa ta ‘mooi van ver ver van mooi.’” Ta ken por a hinka den nan kabes pa pone e mosaikonan di kas ei den pleno Kaya Grandi, kaminda skuter, baikel i hende ta pasa? E mosaikonan tur fin. Ta un gastu èkstra pa gobièrnu laga limpia e mosaikonan ei. Mi ta kana wak pariba, wak pabou, wak pa nort i wak pa sùit, wak ariba, pero no wak abou... Ata mi a bin trompeká den un di e bola blankunan ku tin den kaya. Mi no sa kiko ta nan propósito. Pa

kolmo gobièrnu a kai i no por puntra ta kiko nan ta nifiká. Bueno, unabes nan t'ei pa keda, laga poko artista lokal duna e bala blankunan ei bida i koló. Mi pia a keda morde. Mi ta buska kaminda pa mi por a sinta wak e dede di pia ku mi a dal den e bola di pas. Un asiento ta muchu leu, pues a keda mi di sinta riba bola numa pa wak e tenchi. Tenchi tabatin kòrtá. No a keda mi nada otro ku di limpi'è, stèl e pa mi bira bèk pa mi bai mi buriku di motor. Asina mi a dal 10 stap den Kaya Grandi. Warda tenchi kura pa mi sigui ku Kaya Grandi .

# JCI YUB ta afiliá bèk na JCI Dutch Caribbean

**KRALENDIJK** -- Riba 20 di òktober 2023 na Sint Maarten a tuma lugá un di e tres reunion nan mas importante di JCI Dutch Caribbean. Aki tabata tin representashon di tur e paisnan ku ta forma parti di JCI Dutch Caribbean, ku ta Boneiru, Kòrsou i Sint Maarten. Aki a bini un votashon pa medio di asamblea general di JCI Dutch Caribbean. Un moshon ku a pasa unanimamente. Pa medio di e moshon aki JCI YUB ta afiliá bèk na JCI Dutch Caribbean. JCI YUB ta parti di e organisashon JCI (Junior

Chamber International), ku ta un organisashon internashonal ku tin mas di 106 aña di eksistensia. JCI ta representá na mas di 500 pais rònt mundu ku ta pone ku e tin un difersifikashon grandi den kultura. Na Boneiru e organisashon aki no ta deskonosí. Den pasado Boneiru a sera konosí ku hóbennan prometedor ku por a gosa te dia di awe di e diferente benefisionan ku e organisashon di JCI ta ofresé su miembronan. JCI ta un organisashon no gubernamental i independiente. E organisashon aki su

enfoke prinsipal ta pa krea lidernan den komunidad kambiente. Lider no mester ta solamente un persona ku ta liderá un organisashon òf kompania, pero un lider ta tambe un persona ku por traspasá su konosementu na generashonnan. Den e periodo komo miembro di JCI e enfoke ta riba 4 área di oportunidat komo miembro. Esakinan ta negoshi i empresario, konekshon internashonal, desaroyo personal, impakto riba komunidad pa medio di proyektonan ku ta yuda komunidad. JCI Young United Bonaire, meskos ku tur e otro

kapítulonon rònt mundu, tambe ta para pa empoderá e hobennan di entre 18 ku 40 aña i trese kambio nan positivo den komunidad di Boneiru via proyekto, training i otro aktividat sosial ku sigur ta yuda komo persona den bo

kresementu. JCI YUB ta hasi un yamada na tur e hóbennan entre 18 pa 40 aña ku ta deseá pa djòin òf haña mas informashon di JCI por apliká na e email adrès (jci.yub@gmail.com) òf nan páginanan sosial.



## Programanan di Bonaire.tv

TELBO kanal 70

Flamingo TV kanal 23

### Djaweps 2 Novèmber 2023

12.00 Aktualidat:	Fundashon Mariadal - Prostaatanker
12.30 Dokumental:	Shon Tin
14.00 Herensia:	Hermenegildo Cicilia 3
15.00 BAPA:	Traveling Caribbean Heritage
16.00 Herensia Korsou:	Andres Milano Mercera
17.00 Aki Boneiru:	Eithel Pourier
18.00 Herensia:	Eddy Christiaan & Unesco
19.00 BAPA:	Xuwen Cen
20.00 Herensia:	Selania Pourier-Cicilia
21.00 Aki Boneiru:	Presentashon di Kaiman na MBO
22.00 Herensia Korsou:	Eric Hooi
23.00 BAPA:	Wilfred Mercalina (Dr Blou)

Tur mèrdia 12'or ta kuminsá un programashon nobo di 4 ora.

E programashon aki ta ripití pa 24:00.



### SKLAMA NA SEÑOR, YAMA SU NÒMBER!

“Sklama na Mi, i lo Mi kontestábo, i lo Mi mustrabo kosnan grandi i poderoso ku bo no sa.” Jeremias 33:3(BS)

Sklama na Señor, bisa Señor ku sinseridat di bo kurason, ku bo tin mester di djE, pa yuda bo, guia bo, saka bo for di e situashon atverso ku bo ta den. Pa kambia bo i transformá bo di paden bin pafó.

Pa kambia bo manera di pensa i laga E guia bo pensamentunan segun Su Palabra.

Sklama pa salbashon di bo alma, si ainda nunca di bèrdat bo a rekonosé dilanti di Dios, ku bo ta un pekador i ku Kristu Hesus ta stima bo i a bin na mundu pa salba bo i duna bo bida eterno. Juan 3:16 Na momento ku bo sklama ku sinseridat di bo kurason i ta dispuesto pa obedesé Dios, seguramente lo bo eksperensia Su poder den bo bida. Lo bo mira Su maravianan den bo bida, lo bo mira kosnan grandi sosodé den bo bida, bo famia, bo yu(nan), bo trabou i den bo sirbishi pa Señor.

Mi ta bisando esakinan ku firmesa i siguridat, ku mi kurason yen di gratitut, pasobra nan ta loke mi a eksperensia. Ta kosnan masha grandi, maravioso mi a risibí di mi Señor, mi Salvador i Rei di mi bida, ora ku mi a sklama na djE ku un kurason umilde i dispuesto pa skucha Su bos, obedes'É den tur loke E ta bisa mi pa medio di Su Palabra.

Dios por hasi kosnan grandi pa bo, Sklama na Señor!

Diannenara Mercera  
Produkshon PGM

# Detenshon pa labamentu di plaka

**KRALENDIJ--**Djewepe dos hòmer italiano 41 i 60 aña di edat na Boneiru, riba sospecho 26 di òktober a detené di respektivamente Aeropuerto Internashonal di labamentu di plaka.

Kuerpo Polisial Hulanda Karibense (KPCN) a notifiká Koninklijke Marechaussee tokante e dos personanan aki.

Nan a risibí informashon ku e dou aki tabata bende oloshi i perfume riba kaya. Despues di un kòntrol a topa nan ku vários oloshi den na poder.

Djewepe último e dos personanan a trata na bandoná Boneiru pa bai Hulanda, pero KMar a para nan. Den kolaborashon ku Duana Hulanda Karibense a ehikutá un listramentu i kòntrol di nan paña i ekipahe. Durante di esaki a topa ku un suma grandi di un total di \$30.000 na plaka efektivo serka ámbos persona.

Nan no por a prueba kon nan a yega na e plaka i a detené nan riba sospecho di labamentu di plaka. For di deklarashonnan a resultá ku nan tabata bende oloshi barata pa sumanan mas haltu. A konfiská e plaka efektivo i no a duna esaki bek. Ademas e sospechosonan mester a bandoná e isla. Entretantu esaki a sosodé. Un bon kolaborashon entre Ministerio Públiko, Kuerpo Polisial Hulanda Karibense, Duana Hulanda Karibense i Koninklijke Marechaussee a kondusí ku por a kompartí informashon di manera rápido loke a kondusí na e detenshonnan aki. E kadena di seguridat mas i mas ta hasi uzo di 'Informatie Gestuurd Optreden/Politiewerk' (IGO/IGP) i esaki ta dunando fruta.



Mental Health Caribbean (MHC) verzorgt de geestelijke gezondheidszorg op Caribisch Nederland. Op Bonaire zijn we voor het fact-team op zoek naar een enthousiaste en bevlogen collega in de functie van:

## **Casemanager FACT (40 per week. Standplaats: Bonaire)**

### **Functie: Wat ga je doen?**

Als casemanager ga je bij MHC onderdeel uitmaken van het fact-team. Het fact-team biedt intensieve behandeling of langdurige zorg wanneer bij volwassen cliënten sprake is van psychische of psychiatrische problematiek en/of verslavingsproblemen. In het fact-team werken verschillende hulpverleners samen met een multidisciplinaire aanpak.

Werkzaamheden vanuit de rol van casemanager zijn onder andere het verrichten van intakes, het opstellen van behandelplannen en het uitvoeren van behandelingen al dan niet in samenspraak met de (hoofd)behandelaar. Daarnaast draag je in de eigen omgeving van de cliënt zorg voor een optimale afstemming van de diverse elementen van een geïntegreerd hulpaanbod gericht op maatschappelijk herstel, rehabilitatie, structurering en stabilisatie.

Je werkdag begin je samen met je team door middel van een gezamenlijk overleg waarin de voortgang en taken voor de zorg van die dag worden besproken, het zogeheten digibord. Daarna ga je zelfstandig op pad om je cliënten te bezoeken. Je hebt een taak in het coördineren van zorg en je bent vaak het eerste aanspreekpunt voor cliënten en diens naasten. Ook zal je veel contact hebben met het netwerk van de cliënt en instanties.

Ook verricht je o.a. huisbezoeken, voer je interventies uit (zowel individueel als in groepsverband), verzorg je psycho-educatie, ben je betrokken bij crisissituaties, verricht je (indien mogelijk) verpleegtechnische handelingen en draag je zorg voor een adequate cliëntenregistratie. Deelname aan projecten en samenwerkingsverbanden met ketenpartners valt ook onder de werkzaamheden.

### **Functie: Wat vragen wij van jou?**

- Je hebt een relevante HBO-opleiding, zoals verpleegkunde (incl. BIG-registratie) of social work (SPH, MWD etc.)
- Je beschikt over meerdere jaren werkervaring en hebt brede kennis van de behandelmethoden binnen de verslavingszorg en de psychiatrie, waaronder in het bijzonder FACT.
- Je hebt ervaring met de doelgroep met "double/ tripple" problematiek.
- Je hebt kennis van motivationele gespreksvoering.
- Je beheerst de Nederlandse taal, zowel mondeling als schriftelijk, en bij voorkeur ook Papiamentu en/of Spaans.
- Je werkt en denkt systemisch.
- Je hebt kennis van het omgaan met cliënten van verschillende etnische achtergronden.
- Je hebt een flexibele werkhouding, kan goed samenwerken en bent bereid bereikbaarheidsdiensten te draaien.

### **Organisatie: Waar ga je aan de slag?**

MHC ontwikkelt zich steeds meer naar een allround GGZ-instelling. We werken vooral ambulante in intensieve samenwerking met zowel verwijzers en ketenpartners als met het informeel steunsysteem van cliënten. De aard van de problematiek kan variëren van licht enkelvoudig tot zwaar en complex. Naast onze ambulante manier van werken, passen we maatwerk toe en stellen we onze cliënt centraal. En om dit te bewerkstelligen werken onze medewerkers met creativiteit, passie en doorzettingsvermogen.

### **Organisatie: Wat bieden wij?**

Inschaling hangt af van je achtergrond en werkervaring en vindt plaats in FWG 55 (min \$ 3.545,- en max \$ 5.041,-). De bedragen zijn bruto per maand bij een fulltime dienstverband (40 uur). We bieden een contract voor de duur van één jaar zonder uitzicht op een vast dienstverband. Verder bieden we een dynamische werkomgeving met ontwikkelmogelijkheden en goede secundaire arbeidsvoorwaarden. Zo draagt MHC ruim bij aan je pensioenopbouw en wordt er tegemoet gekomen in de eventuele verhuis-/emigratiekosten.

### **Kom je ons team versterken?**

Heb je interesse in deze functie? Stuur dan zo snel mogelijk, doch uiterlijk **vóór vrijdag 18 november 2023** je sollicitatie en CV naar [secretariaat@mentalhealthcaribbean.com](mailto:secretariaat@mentalhealthcaribbean.com). Binnengekomen sollicitaties nemen we gelijk in behandeling.

Indien je vragen hebt kun je contact opnemen met **teamleider Signalda Domacassé (+599 796-1021 of [signalda.domacasse@mentalhealthcaribbean.com](mailto:signalda.domacasse@mentalhealthcaribbean.com))**.

### **Andere vacatures**

Voor MHC zijn we met regelmaat op zoek naar meer enthousiaste, nieuwe collega's! Kijk voor alle actuele vacatures op onze website: [www.mentalhealthcaribbean.com/vacature](http://www.mentalhealthcaribbean.com/vacature)

*Acquisitie wordt niet op prijs gesteld.*

# Inlubidabel©

Un negoshi importante den Playa ántes tabata Bata, spesialisá den benta di sapatu. Famia Booï tabatin agensia di Bata na Boneiru. E negoshi tabata situá promé den un edifisio den kurá di kas di Don i Bachi Booï, Kerkweg, ku despues a bira Kaya Lodewijk D. Gerharts.

Durante hopi aña Bata tabata é negoshi di sapatu na Boneiru. Algu pekuliar tabata e preisnan di sapatu

na Boneiru. Tur tabata kaba ku 99 sèn. Por ehèmpel fl. 19,99, fl. 49,99, djis pa duna un ehèmpel.

Na 1983, un par di tempu despues ku a bini un gobernashon di Partido Demokrátiko Boneriano, Bata a bai den un edifisio nobo, enfrente di e kas di famia Booï. Elisabeth (Bachi) Booï a afektuá apertura di e negoshi aki, kompañá pa su yu hòmer Frans Booï.



# Apertura tienda Bata



## MONCHI & TONCHI

Tochi, WEB a laga nos na kaya....

Awèl si, nos a hera di keda sin sali den edishon di awe!



### KOLOFÓN

Editor: Bonaire Communication Services N.V.  
Kaya Irlanda 12,  
Tel. 717-8482

Redakshon: [extrabon@gmail.com](mailto:extrabon@gmail.com)  
avisobon@gmail.com  
Wèpsait: [www.extraboneiru.com](http://www.extraboneiru.com)  
Facebook: Extra Boneiru

Direktor  
Shirley Martis  
785-3824  
796-3824

Partner na Aruba  
Awe Mainta  
Partner na Kòrsou  
Extra  
Partner na Boneiru  
Live99

Redakshon  
Papi Antoin  
Nathaly  
Evertsz-Ipcendencia  
Velli Gijsbertha  
Edson Pietersz  
Ibi Piar (deporte)

Layout  
Maya Beaumont

Konsehero:  
Bòl Antoin  
786-6818  
Aviso  
[avisobon@gmail.com](mailto:avisobon@gmail.com)



# Trabou desordená

KRALENDIJK -- Otro sitio ta na lomba di e dam na Hanchi Ambiona i Kaya Nikiboko Nort. Noel Janga ta yega na e konklushon ku e trabou ta desordená hasí. Janga ta skirbi: “Mi no ta

kritikando esnan ku a hasi e trabou akí, sino esnan ku ta delegá e tareanan. Kon por ta posibel ku algu asina ta keda aprobá i aseptá komo un resultado di kalidat. No por tin ningun esküs dikon e trabou a keda asina irresponsablemente ehekutá.” Tur tronko i rais a keda abou i no a egalísá e tereno na un forma korekto. E impreshon ku e ta haña, segun Janga, ta ku e motivashon dikon e trabounan akí ta keda ehekutá den e forma

irresponsabel akí, ta pasobra e aspirashon ta e sèn i no entregá kalidat di trabou. Tur hende ta bai mira kiko e ke men akí dos luna, Janga ta skirbi. Tur e loke ku a keda tras sìn a atendé ku nan korektamente, ta bai krese pió ku nan tabata ta. Gobièrnu di Boneiru, nos mester yega na un kompania responsabel pa atendé korektamente ku e sistema irresponsabel akí di ehekutá trabou riba terenonan públiko.



Nationale ombudsman i Kinderombudsman ta bin Boneiru. Bo tin problema ku un instansia gubernamental i bo ke entregá un keho paso bo no ta logra yega na un solushon? Bo tin pregunta pa nos tokante di bo keho? Pasa serka nos na un di nos oranan di konsulta grátis na Boneiru.

## Nos ta kla pa yuda bo!

### Oranan di konsulta:

- Jong Bonaire**  
Djarason 8 di novèmber 2023 di 9:00 pa 11:30 di mainta
- Fundashon Cocari in Rincon**  
Djaweps 9 di novèmber 2023 di 14:30 pa 16:30 di atardi
- Jong Bonaire**  
Djasabra 11 di novèmber 2023 di 09:00 pa 11:30 di mainta

Tur konsulta por tuma lugá sea na hulandes, papiamentu, spañó òf ingles.

### Bo no por bini na nos oranan di konsulta?

- Nos ta alkansabel henter aña via:
- Nationale ombudsman**  
Telefòn: +31 70 356 35 63 \*  
WhatsApp: +31800 33 55 555  
Óf yena e formulario di keho riba nos wèpsait  
Mail: [post@nationaleombudsman.nl](mailto:post@nationaleombudsman.nl)
  - Kinderombudsman**  
Telefòn: +31 70 8506 995 \*  
WhatsApp: +3162 724 52 79  
Óf yena e formulario di keho riba nos wèpsait  
Mail: [ombudswerk@kinderombudsman.nl](mailto:ombudswerk@kinderombudsman.nl)
- \*Por yama nos di djaluna pa djabièrnè te ku 11 or di mainta



Durante ora di konsultá, por papia ku un di nos representantenan:

- Gaby von Maltzahn (Nationale ombudsman)
- Swetlana Gijsbertha (Nationale ombudsman)
- Mariëlle Bahlmann (Kinderombudsman)
- Ilona van Angeren (Kinderombudsman)



**kinder ombudsman**

[kinderombudsman.nl](http://kinderombudsman.nl)  
Kinderombudsman Caribisch Nederland



**nationale ombudsman**

[nationaleombudsman.nl/caribisch-nederland](http://nationaleombudsman.nl/caribisch-nederland)  
Nationale ombudsman Caribisch Nederland

# Premio Kultural 2023 pa FUHIKUBO

**KRALENDIJK** – Prins Bernhard Cultuur Fond di Karibe a otorgá e premio kultural di e aña aki na Fundsashon Histórik Kultural Boneriano (FuHiKuBo). Djamars

anochi e entrega a tuma lugá na Mangasina di Rei. Liliane de Geus, M.A., M.Sc., miembro di direktiva pa Boneiru a habri e anochi. El a papia di e premio ku ta bai entregá na e okashon

di parti di Prins Bernhard Cultuur Fonds Nederland. Carhelijne Broers, direktor i manehadó di Prins Bernhard Cultuur Fonds di Hulanda tabata na Boneiru spesial pa e okashon.

For di 2003 e premio aki a bira realidat pa islanan den Karibe Hulandes. Tur aña ta skohe un área, esun ku meresé e premio. E aña tabata na turno pa entregá e Premio Kultural na Fundsashon Histórik Kultural Boneiru (FUHIKUBO).

Tambe a duna un splikashon kiko FUHIKUBO ta para p'e. Diferente material tin ku nan a graba i warda, loke ta hopi importante.

Boi Antoin a hasi òf ta hasiendo un tremendo trabou, kaminda ya den pasado el a haña rekonosementu pa loke e ta hasi, for di man di Prins Bernhard. Prins Bernhard Cultuur Fonds tambe ta rekonosé e balor di e trabou e trabou aki.

Ku e premio aki ta balorá FUHIKUBO pa loke e ta hasiendo. Un trabou úniko, bunita, ku ta reflehá den futuro.



Ministerie van Binnenlandse Zaken en Koninkrijksrelaties

## Programa di Desaroyo Espasial Hulanda Karibense (RO CN) - ta aksesibel pa konsulta

E Sekretario di Estado pa Relashon den Reino i Digitalisashon ta partisipá ku e diseño di e Programa di Desaroyo Espasial Hulanda Karibense *entrante djabièrnè 3 di novèmber 2023* durante seis siman ta aksesibel pa un i tur na e siguiente lokalidatnan:

### Boneiru

Openbaar Lichaam Bonaire – Kaya Amsterdam 23  
Shared Service Organisatie (SSO) Bonaire – Kaya  
International z/n

### Saba

Public Entity Saba - Power Street 1 – The Bottom  
Shared Service Organisation (SSO) Saba - Matthew  
Levenstone Street # 5

### Sint Eustatius

Office of the Island Secretary Sint Eustatius - Van  
Tonningeweg 4,  
Shared Service Organisation (SSO) Sint Eustatius -  
Fort Oranjestad z/n

Ademas, por haña e RO CN digital riba [www.internetconsultatie.nl](http://www.internetconsultatie.nl) i [www.rijksdienstcn.com](http://www.rijksdienstcn.com).

### Kiko ta e RO CN?

E RO CN ta kontené e Maneho Espasial di Gobièrnu Sentral pa Hulanda Karibense. E ta dirigí su mes na e Entidatnan Públiko. Nan mester tuma e puntonan di salida for di e RO CN i elaborá nan ora di redaktá òf revisá e Plannan di Desaroyo Espasial Insular. E RO CN entre otro ta trata ku e siguiente tópikonan:

- uso ekonómiko i múltiple di espasio pa garantisá un desaroyo duradero,
- konstrukshon di bibienda duradero ku por enfrentá futuro i ta kuadra ku

nesesidatnan di e poblashon di Hulanda Karibense,

- protekshon di funshonnan vulnerabel kontra konsekuensianan di kambio di klima,
- bon maneho di awa pa limitá inundashon, sekura i eroshon
- protekshon di naturalesa.

Ademas, e RO CN ta deskribí e medidanan ku lokual Sekretario di Estado ta proponé su mes di realisá e metanan espasial di Gobièrnu Sentral. Hibamentu di un konsulta strukturá entre e Entidatnan Públiko i Gobièrnu Sentral tin un papel importante den esaki.

### Kon bo por reakshoná?

Si bo ke reakshoná riba e diseño di e RO CN, por ehèmpel pasobra bo ta haña ku falta un tópiko, bo ta haña ku e RO CN ta mucho severo òf yùist mucho fleksibel òf pasobra bo ke ekspresá bo aprobashon, **te ku djaweps 14 di desèmber** bo por manda un e-mail pa [ropcn@minbzk.nl](mailto:ropcn@minbzk.nl).

### Kiko ta pasa despues?

Despues di e temporada ku e diseño ta aksesibel pa konsulta lo kompilá tur reakshon, lesa nan i wak si tin motibu pa adaptá e programa. Despues, lo presentá e programa (adaptá) pa konseho na e Kolegionan Ehekutivo di Boneiru, Saba i Sint Eustatius. Despues ku a elaborá e konsehonan aki, Sekretario di Estado lo ofresé e programa na Konseho di Minister pa determinashon. Kontra e determinashon no por hasi opheshon òf bai den apelashon.

# Rama kousando peliger

KRALENDIJK -- Esaki ta prueba di loke ta sosodiendo ku ramanan ora awa kai. Nan ta sak bini abou. E situashon akí ta dilanti di Hillside den Antriol.

Noel Janga ta relatá: “Rama ta te den kaminda ta raskando outonan i krea peliger. Tambe por mira ku a kap parti di e palu, pero un taki a keda

pegá den kabel riba na e palu di lus. Inseguridat pa siudadanonan ta e loke ku a keda atras. Gobièrnu di Boneiru ousilio.”



## Bui históriko den kunuku

*Durante trabounan resien pa a rosa kunuku di Carolina (Shon Kain) Mercera a topa ku un bui históriko. Ta un bui di heru ku a drif yega kostanan boneriano. Probablemente na Playa Grandi òf Morotin. A transport’é pa e kas di Shon Kain na unda el a keda den e kunuku patras di e kas aki te awe. Foto ta mustra George (Kultura) Thodé na e bui aki.*

## Músika hopi bunita na un lugá hopi bunita

KRALENDIJK -- Djadumingu atardi 29 di òktober sonidonan hopi dushi tabata resoná den Art Centre Antriol. Sonidonan suave for di ‘grand piano’ ku músika di Liszt i Chopin, e bos tenor bunita i fuerte den kantonan konosí i ménos konosí, manera

‘Die Forelle’, ‘Morgen’ i ‘Somewhere for di West Side Story’ i mas, variá ku sonidonan emoshonante di saksofon manera ‘Meditation’ di Jules Massenet. Despues sigui ku e tononan karibense di músika di piano di Wim Statius Muller i por último

e piesa alegre ‘Na Kaya’. Claudia Cassier, Alan Bowen i Bradley Howard ta maestro di músika i awor aki nan ta biba na Boneiru. Djadumingu 12 di novèmber Classical Music Board Bonaire lo ripití e konsierto, na e mesun ‘setting’ relahá di SACA.



# Anochi ku luna yen drentando su fase final

**KRALENDIJK** -- Pokopoko pero sigur, e evento literario Anochi ku luna yen di poema, storia i kuenta, ta drenta su parti final pa e aña akí. Luna di òktober e grupo tabata huntu ku amantenan di e evento na Biblioteca Pùbliko. Komishon organisadó di e evento, huntu ku SKAL, por ta satisfecho ku un anochi ku

a bai sublime pa grandi i chikí. Dia 27 di novèmber luna ta yen atrobe, traha riba obra literario anto ta invitá pa hasi akto di presensia pa esnan presente por mira i skucha. Ubaldo Anthony ta kompartí algun potrèt ku el a saka durante Anochi ku luna yen su bishita serka empleadonan di Biblioteca.



## Drechamentu di dam i tanki

**KRALENDIJK** – E den barionan durante áwaseru torensial ku a gobièrnu anterior di yobida fuerte. afektá Boneiru. Boneiru a kuminsá ku Atrabes di añanan no a Dianan ku a pasa por a mira trabou pa mantené dam pone masha atenshon na trabou di drechamentu di i tankinan natural na mantenshon di e dam i e dam den área di Hanchi Boneiru. E tanki i damnan aki, kreando Amboina i Kaya Aguila, aki ta importando pa basta problema durante situá pariba di e kompleho wanta awa, loke ta evitá yobida, por ehèmpel aña di SGB. problema di inundashon pasá novèmber durante un



## Kua ta e diferensia entre un iglesia i un katedral?

*Philip Kosloski*

**Un katedral designa e lugá un obispu ta biba i un iglesia ta un término mas komun pa edifisionan kaminda e kulto kristiannan ta sosodé**

Katóliko hopi biaha ta utilizá e palabranan katedral i iglesia pa indiká vários lugánan di kulto kristian, i, hopi bes, ta usa di manera konfuso, pues pa ken no ta familiarisá ku e términonan akí, ta kere ku ta igual yama di unu òf otro moda pa e lugá den kua ta hasi orashon i ta selebrá Eukaristia.

Ta pesei, pa aklará e términonan akí i terminá ku e konfushon, laga nos distinguí kua ta e partikularidatnan ku ta hasi nan distinto.

Kua ta e diferensia entre un iglesia i un katedral?

E nòmber «**katedral**» ta ser duná iglesianan ku ta e «sentro» di kada diósesis, **kaminda e obispu normalmente ta presedé liturgianan importante.** Katedral ta risibí su nòmber di e presensia di e stul di e obispu, tradishonalmente

yamá *cátedra* (palabra latin pa «stul»). E obispu *ta sinta* den e stul ora e ta selebrá e misa òf otro eventonan litúrgiko den e katedral. Otro palabra latino, *sede* («trono»), ta ora nos ta optené e término «**sede**» pa e teritorio bou di outoridat di un obispu (un diósesis òf arki-diósesis).

Den kada diósesis tin solamente un katedral i, hopi bes, e katedral lokal ta tambe e iglesia mas antiguo ku ta ser konservá den e zona. Esaki no semper ta e kaso, pero den mayoria di e situashonnan e edifisio di iglesia mas grandi i antiguo di un área pa apuntá komo katedral.

E palabra «**iglesia**» ra ser mas komunmente pa referí na **kualkier edifisio kaminda kristiannan ta reuní pa e kulto públiko.** Ta pesei un katedral ta tambe un iglesia, pero no tur iglesia ta katedral.

Di manera mas amplio, e término tambe por pa indiká un «komunidad» di kreyentenan, manera ta splika den e *Katesismo di Iglesia Katóliko*.

Den e lenguahe Kristian, e palabra “Iglesia” no ta nifiká solamente e asamblea litúrgiko, sino tambe e komunidad lokal òf henter e komunidad universal di kreyente. E tres nifikashonnan akí ta inseparabel. “Iglesia” ta e pueblo ku Dios ta reuní den henter mundu. E Iglesia di Dios ta eksistí den e komunidadnan lokal i ta bira real komo un asamblea litúrgiko i mas ku tur kos un asamblea eukarístiko. E ta biba di e palabra i e Kurpa di Kristu i asina e mes ta bira Kurpa di Kristu. (KAT 752)

Ámbos palabra tin riku nifikashon, pero ta ser usa di manera diferente segun e sirkunstansianan.

## Na Dios loke ta di dios

E trampa ku nan tin pa Hesus ta bon pensá: «Ta korekto pa paga belasting na César òf no?». Si kontestá negativamente, lo por a ser akusá di rebelion kontra Roma. Si asepta belasting, e ta keda desakreditá dilanti di e hendenan ku ta biba preshoná dor di impuestonan, na kua e ta tantu stima i ta defendé.

Hesus ta pidi nan mustr’ é «e moneda di impuesto». E no tabata tin, pues e tabata biba un vagabundo ku ta bai di aki pa otro, sin tera ni trabou figo; e no tin problemanan ku e kobradónan. Despues El a puntra nan ku kiko pa e imágen ku ta aparesé riba e denario di plata. E ta representá Tiberio, i e leyenda tabata bisa: «Tiberius Caesar, Divi Augusti Filius Augustus». Patras di dje por lesa: «Pontifex Maximus».

E gesto di Hesus ta ya klasifikadó. Su atversarionan ta biba katibu di e sistema, pues, na utilizá ku e moneda pegá ku simbolonan polítiko i religioso, nan ta rekonosiendo soberania di e emperador. No ta e kaso di Hesus, ku ta biba di manera pover pero liber,

dediká na esnan mas pover i ekskluí di e Imperio.

E ora ei Hesus a añadí algu ku ningun hende a puntra. El a puntra nan pa e derechonan di César i nan a kontest’ é rekordando riba e derechonan di Dios: «Paga na na César loke ta di César, pero duna Dios loke ta di Dios». E moneda ta karga e imágen di e emperador, pero e ser humano, manera ta rekordá e buki bieu di Génesis, ta «imágen di Dios». Pesei nunca e mester ser someté na ningun emperador. Hesus tabata rekordá hopi biaha. Esnan pover ta di Dios; esnan chikí ta su yunan predilekto; e reino di Dios ta pertenesé na nan. Ningun hende mester abusá di nan.

Hesus no ta bisa ku mitar di bida, material i ekonómiko ta pertenesé na e esfera di César, i e otro mitar, e spiritual i religioso, na e esfera di Dios. Su mensahe ta otro: si nos drenta den e reino, nos no mester konsentí ku ningun César sakrifiká loke ta solo ta pertenesé na Dios: esnan ku hamber di mundu, esnan di di Sahara sur ta bandoná ku ta yega den e botonan chikí, esnan «sin papel» di nos siudatnan. Ku ningun César ta konta ku nos.

**PAROKIA MARIA AUXILIADORA**  
- INSKRIPSHON -  
**KONFIRMASHON I**  
**PROMÉ SANTA KOMUNION**

Mayornan por pasa pa inskribi boso yu(nan) bou di orario di ofisina

- Djaluna pa djabièrnè entre 5'or di atardi pa 6.30'or di anochi.
- .....
- Lès di Konfirmashon ta kuminsá djasabra 14 di òktober di 1'or di mèrdia pa 3'or di atardi.
- .....
- Lès di Promé Santa Komunion ta kuminsá djasabra 14 di òktober di 3'or atardi pa 4.30'or di atardi.
- .....
- Por yama na telefòn 5202097 tambe pa inskribi



"Hesus a respondé nan: 'Mi ta sigurá boso: si boso no kome karni di Yu di hende i bebe su sanger, boso lo no tin bida den boso'"  
Huan 6:53



**Diosesis di Willemstad**  
Parokia Maria Auxiliadora  
Sta. Maria 7, Curaçao :: Telefòn 868-2227

## 14 paso pa sa si bo ta soberbio

Un soberbio den ningun banda ta kai bon ni ta kai bon serka ningun, es mas mi ta tripi na bisa ku soberbio ni ta agradá Dios. Ta p’esei ta rekomendabel profundisá si nos ta soberbio òf no. Ta p’esei nos ta laga e pasonan aki pa sa si nos ta soberbio.

- Bo ta sinti ku ningun persona meresé esaki.
- Bo ta sinti ku bo tin derecho pa humiá.
- Bo ta sigur ku semper bo tin rason.
- Bo no ta asepta bo eronan
- Bo ta sinti bo mes indispensable, sin abo no por hasi kosnan.
- Bo ta arogante, orguyoso, yen di buya i tirano.
- Bo ta intolerante ku e bèrdat straño, ke men, bo no ta asepta’ é i ta bira agresivo.
- Bo ta dominante i ta kontrolá tur kos.
- Bo ideanan ta e úniko bálido.
- Ta kosta bo pa mira ku otronan ta bon, e ta molestiá bo.
- Bo ke tur kos pa bo mes, den un palabra egoista.
- Bo no ta yuda sino a kambio di algu.
- Bo no ta pordoná pasobra bo ta pensa ku si bo hasié lo bo ta débil òf bobo.

Soberbia por laga bo sinti miedu ku nan ta kai na kuenta ku bo no ta perfekto i ta stòp di admirá òf stima bo.

Por lo tantu ta kosta e soberbio traha den ekipo. San Agustín a bisa: “Soberbia no ta grandesa sino hinchamentu; i loke ta hinchá parse grandi pero e no ta sano”. Tin un refran ta bisa: “Oro ta bira soberbio, i soberbia, bobo”.

Tin un fábul di Esopo ku pas presis ku soberbia.

### E BAKA I E SAPU

Un sapu tabata den un pos, un dia el a mira e toro ta serka pa bebe poko awa, i e tamaño grandi di e animal a hala su atenshon. E sapu tabata masha chikí, no mas grandi ku un lamunchi. Mirando e toro gordo el a yena di envidia i a disidí di hincha su mes te ora e igual’ é den tamaño.

E sapu miéntas e tabata hinchando a puntra su kompañeronan:

- Mi a hincha bastante pa igual’ é? Ya mi ta asina grandi manera e?
- No.
- I awor?
- Tampoko.
- Ya mi a logr’ é!
- Ainda bo ta masha leu!

I e pover sapu a hincha i a rementá.

**Moralega:** Mundu ta yen di mediokre, ku dor di envidia, ta mustra nan mes dilanti otronan manera señornan grandi, soberbia ta laga nan pensa ku nan ta grandi pero esun mas grandi den mundu no ta esun mas fuerte ni esun mas poderoso, esun mas grandi dilanti mundu i dilanti Dios ta esun humilde. Kòrda ku humildat ta e porta dor di kua tur virtud ta drenta. Un orashon humilde ta esun ku Dios ta skucha mas lihé.

# STATIA/SABA/ST. MAARTEN

*Pa ekosistema di Saba*

## Esfuerzo intensifiká pa yag a duna resultado positivo

**THE BOTTOM** – E dediká di Entidat Públiko pa eliminá e populashon esfuersonan kombiná i Saba i e yagdónan designá di kabritu ku ta kana lòs, a



kuminsá demostrá resultado tangibel. Durante e tres lunanan ku a pasa, a base di averahe, a eliminá mas di 230 kabritu pa luna, loke ta un mehorashon signifikante den e maneho di espezie invasivo i e redukshon di eroshon riba e isla.

E resultadonan mas bisto di e esfuerso di yag intensivá akí, ta e rekuperashon opservá den e vegetashon di e isla.

E último lunanan por a nota un kambio grandi den e paisahe natural, danki na e redukshon di e kantidat di kabritu riba e isla. Inisiativanan manera

plantamentu di mata i palu, ta eksperensia ménos opstákulo.

Manera e kantidat di kabritu ku ta kana lòs baha, Entidat Públiko Saba ta preparando pa drenta e siguiente fase di e proyekto vital akí. Na sèptèmber e entidat públiko a haña yudansa di dos eksperto di espezie invasivo ku a kondusí un bishita di eksplorashon na e isla.

Nan resultado mester sirbi komo e fundeshi di nan rekomendashonnan relashoná ku e aserkamentu di e siguiente fase i e desaroyo di un plan di implementashon.

## Delegashon di Statia na konferensia tokante violencia doméstiko

**ORANJESTAD (EUX)** – Un delegashon di Statia ta na Kòrsou pa un konferensia di tres dia tokante violencia doméstiko i abuso di mucha riba e seis islanan di Karibe Hulandes. E delegashon, bou di guia di Komisario di Gobièrnu, Alida Francis, ta konsistí di un tim di asuntunan sosial, inkluso e direktor, Carol Jack, huntu ku representantenan di Expertise Centre Education Care.

E konferensia ku título ‘No mas’, ta tuma lugá di 31 di òktober pa 2 di novèmber, ku komo tema ‘Edukashon seksual i violencia seksual’. Durante e evento di tres dia, e partisipantenan ta traha riba akuerdonan di formalisashon i koperashon entre e islanan i Hulanda, ku intenshon pa prepará un memorandum di entendimentu, ku e komisario di gobièrnu ta spera di firma.



## Ministerio Públiko ta investigá posibel iregularidat ku volmacht

**ORANJESTAD (EUX)** – Kontrario na e informe riba e website di notisia dossierkoninkrijksrelaties.nl, Ministerio Públiko a kuminsá un investigashon riba indikashon di un denuncia relashoná ku iregularidat di votonan di volmacht na Sint Eustatius. Esaki e minister

di asuntunan interior Hulandes, Hugo de Jonge, a anunsiá den un karta pa Tweede Kamer. E karta di e minister ta remarkabel, pasobra anteriormente Ministerio Públiko a informá ku e no ta bai hasi investigashon relashoná ku froude di votonan di volmacht.

Esei e tempu ei tabata e reakshon di Ministerio Públiko na indikashon di e investigashon di e komisario di gobièrnu di Sint Eustatius, kende a ekspresá su preokupashon tokante e porsentahe haltu di voto ku volmacht durante e elekshonnan di Konseho Insular i Kolegio Elektoral na mart 2023.

E tempu ei Ministerio Públiko a laga sa ku a base di kuadronan legal, te asta por hasi un desviashon, òf inisiá un investigashon penal. Ku esaki Ministerio Públiko ta pone e komisario di gobièrnu un banda, manera dossierkoninkrijksrelaties a

skirbi.

E porsentahe di voto ku volmacht na Sint Eustatius tabata 36,7 porshento, hopi mas haltu ku e promedio nashonal Hulandes di 8 te 12 porshento.

Den e karta na Tweede Kamer, e minister ta bai den detaye tambe riba e posibel medidanan pa redusí e kantidat di volmacht. Asina a ofresé èkstra sosten na e entidatnan públiko, bou di kua Sint Eustatius, promé ku elekshon.

Tambe ta trahando na dos proposishon di lei ku tin influensia riba otorgamentu di volmacht. E promé proposishon ta rekuperá e

posibel votamentu tempran den e urna elektoral i ta redusí e kantidat maksimal di volmacht ku un persona por vota kuné di dos pa unu. E di dos proposishon ta dirigí riba hasi e sistema penal di hasi froude ku volmacht mas skèrpi.

Ministerio Públiko a laga sa ku e no ta rekonosé su mes den e imágen di froude masal manera e artíkulo riba dossierkoninkrijksrelaties.nl ta indiká.

Ministerio Públiko a enfatisá ku sí tin un investigashon ta andando, pero na interes di e investigashon no por duna detaye mas aleu.



*Minister Hugo de Jonge.*

HULANDA

# Apsolushon pa Polis ku a tira hòMBER mata

UTRECHT – E agente polisial di 23 aña kende na mart aña pasá durante detenshon a tira un hòMBER di 27 aña aksidentalmente

mata na Waalwijk, Brabant, a keda apsolvé djamars dor di Korte di Utrecht. Ministerio Públiko na inisio di e luna akí a eksigí un

kastigu di trabou di 60 ora kontra e agente, pasobra el a aktua sin paga tinu. Kontra tur preskripsjon e tabatin su dede na e gai di e arma.

Ta akusá e agente, miembro di e tim di aresto, di morto dor di kulpa. Djamars e tabata presente den Korte, pero a keda den un otro sala, pasobra e hues anteriormente a disidí ku mester protehá su identidat. Via konekshon di video e por a sigui tratamentu di e kaso. Den sala tabatin algun kolega presente.

Dia 17 di mart 2022 na inisio di anochi e víktima huntu

ku su amiga tabata den un outo stashoná riba un sitio di parker na Waalwijk. Polis tabatin plan pa detené den e kaso di droga andando. Tabatin indikashon ku e hòMBER por ta peligroso i ta den poseshon di arma di kandela.

Miembronan di e tim di aresto a rondoná e outo i trata na habri e porta na banda di shofür. Djis despues tiru a kai kaminda bala a alkansá e víktima na su garganta.

Hues a enfatisá ku for di deklarashonnan a bini dilanti ku e víktima a hisa si man robes na laira, dor di

kua parse ku e agente a tira a base di akshon di miedu. “Investigashon forénstiko ta laga mira ku e bala a pasa tambe dor di e dùim di man robes di e víktima,” Hues a bisa. A base di esaki i a base di deklarashon di dos investigadó independiente, Korte a indiká ku e víktima a hasi un moveshon ku su man.

Korte ta papia di un insidente hopi trágiko. Tantu pa e famia komo pa e agente. Pero, asina Hues a sigui, kon grandi e verdrít por ta tambe pa e famia. Mester disidí sí e agente ta kulpabel tambe.



*Prensès Mabel ta baha fuerte den Qoute 500*

# Oranjenan na dies lugá famia mas riku

HULANDA – Famia Real e aña akí a subi riba e lista di e sinkuenta famia mas riku

di e revista Quote. E famia Real ta pará na di dies lugá, ku un fortuna kalkulá di 1,3

miar euro. Aña pasá ainda e famia tabata na di diesun lugá, ku un fortuna di 1,2

miar euro. Den Quote 500, e lista di e Hulandesnan di mas riku, tambe por haña e royalnan. Prensès Mabel ta pará meskos ku aña pasá, pero sí na un lugá mas abou.

Segun e revista, Mabel a pèrdè mas di mitar di su fortuna dor di kaida di valuta di e plataforma Adyen, kaminda e tin akshon.

E prensès di 55 aña awor ta na di 167 lugá riba e lista, ku un fortuna di 330 mion euro. Aña pasá e tabata ainda na di 68 lugá, ku un fortuna kalkulá di 680 mion

euro. Prens Bernhard tambe atrobe a roba un sitio den Quote 500. E yu di prensès Magriet i Pieter van Vollenhoven, ta na di último lugá, ku un fortuna kalkulá na 125 mion euro. Bernhard di 53 aña tin su fortuna danki na invershonnan den bienes inmóbil i su kompania di software Levi9.

E primu di Rei Willem-Alexander aña pasá a debutá na di 481 lugá den e lista di esnan mas riku. E tempu ei tambe a kalkulá su fortuna riba 125 mion euro.



*Pa lèkmentu di informashon sekreto di estado*

# Trahadó di NCTV i Polis detené

ROTTERDAM – Polis a detené dos persona pa lèkmentu di informashon sekreto di estado. Un di nan ta traha na Nationaal Coördinator Terrorisbestrijding en Veiligheid (NCTV) i e otro ta un èks trahadó di NCTV. Di ki tipo di informashon ta trata, no ta konosí.

E detenidonan ta un hòMBER di 64 di Rotterdam i un muhé di 35 aña di Gouda. Djaweps último a detené nan. E hòMBER, kende ta traha na NCTV, tabata aktivo tambe pa e unidat nashonal di Polis Nashonal. E muhé tabata traha anteriormente pa NCTV i desde korto ta na Polis.

Djamars atardi a presentá e sospechosonan dilanti Hues komisario, kende a disidí ku nan ta keda será 14 dia. Nan ta será den limitashon, loke ta nifiká ku nan por tin kontakto solamente nan ku nan abogado. E investigashon di Rijksrecherche ta andando, Ministerio Públiko a laga

sa. Na diferente sitio a tene entrada hudisial.



*Den caso contra ex Minister*

# Corte Superior ta dicta na favor di Aruba Bank

ORANJESTAD -- Ta for di 2021 ex Minister Otmar Oduber a bin ta purbando pa habri un cuenta bancario pa su negoshi conoci como Bochinchá situa dilanti di e edificio di ex DOW y den e proceso aki, Hues di Corte den Prome Instancia, a determina cu Otmar Oduber y su negoshi mester tin acceso na un cuenta bancario na Aruba Bank NV. Gerencia di e banco a cumpli cu e decision di Corte y a respeta e decision tuma den e caso aki, pero despues di algun dia gerencia di Aruba Bank, a dicidi di apela e decision di Corte den Prome Instancia. Den e proceso aki, a solicita

na Corte pa suspende e decision tuma pa Hues den e caso inicial pero esaki a wordo rechasa y Otmar a keda cu su cuenta na e banco menciona.

E caso di apelacion a wordo trata na luna di September ultimo y awor Corte Superior a tuma un decision cu no a sali na favor di ex Minister Otmar Oduber, caminda a muestra cu e ex mandatario pa pasando den diferente disputa legal caba cu e caso conoci como Flamingo. Un caso cu abogadonan di e instituto financiero a considera hopi serio y sensitivo mes y cu a crea cierto situacionnan incomodo y dificil pa

e banco hiba un miho control riba fluho di placa di e negoshi di Bochinchá Container Yard cu ta bou maneho di ex Minister Oduber y famia.

Abogadonan di Aruba Bank a muestra y a convence e tres Huesnan cu henter e desaroyo aki, entre otro e investigacion cu ta tumando luga relaciona cu e ex mandatario, ta hinca e banco den un situacion di hopi incomodidad sigur mirando algun desaroyo cu e tuma luga den e centro di goso aki. E forma con ta manehando e centro di Bochinchá ta creando dificultad pa hiba un control mas estricto y efectivo pa

loke ta fluho di placa di e negoshi loke ta hinca e banco un situacion dificil, caminda e posibilidad ta grandi cu e banco su relacion cu banconan internacional, ta coriendo peliger y esaki por conduci na perdida di confiansa den e institucion aki. E disputa aki a inicia for di dos aña pasa, esta for di 2021 y a tuma hopi tempo pa Corte Superior dicidi di anula e decision tuma pa Corte den Prome Instancia y asina permiti Aruba Bank NV, elimina e cuenta bancario y tur otro servicio na e ex mandatario. Loke por a constata den contenido di e decision di Corte Superior

ta cu e caso di Flamingo den cual Otmar Oduber ta sospechoso principal, ta den un fase investigativo ainda y caminda no tin fecha ainda pa esaki keda cla pa Ministerio Publico pa asina manda esaki pa Corte den Prome Instancia trata esaki contra e sospechosonan.

Mientras tanto ya caba Ministerio Publico a bin ta yegando na acuerdonan cu algun sospechoso den e caso di Flamingo aki loke riba su mes tambe ta causando sorpresa sigur pa e forma a mira algun di e delitonan cu Ministerio Publico a bay tras di e sospechosonan aki pero ainda e caso no ta cla pa wordo trata den Corte.

# 21 Buki digital nobo na Papiamento

ORANJESTAD -- Proyecto Idioma di Departamento di Enseñansa Aruba (DEA) a publica 21 buki digital nobo pa mucha na Papiamento riba dos website: [www.papiamento.aw](http://www.papiamento.aw) y [www.ea.aw](http://www.ea.aw). Tambe por lesa e bukinan nobo aki riba e plataforma digital cu yama Storyweaver, caminda por lesa storia online na mas cu 100

diferente idioma.

Traduccion di e bukinan digital un biaha mas a tuma luga na encargo di Proyecto Idioma den Enseñansa, cu ya a publica 60 traduccion digital caba. Na tur Proyecto Idioma a publica 81 buki digital di Storyweaver na Papiamento. E bukinan aki ta destina pa mucha di edad di scol preparatorio y basico. Mucha por lesa buki tocante entre otro



un beer cu gusta color, un mucha muhe cu ta siña core bais, un gorila su fiesta di cumpleaños y hopi mas! Pa medio di e publicacionnan aki, Proyecto Idioma kier promove lesamento y desaroyo di idioma cerca nos muchanan na Papiamento, e idioma materno di mayoria mucha na Aruba y e di dos idioma di e muchanan cu ta papia un otro idioma na cas.

Banda di e publicacionnan nobo menciona, Proyecto Idioma a digitalisa mayoria di e bukinan di lesa cu Departamento di Enseñansa a publica den pasado tambe. Actualmente tin 220 buki digital riba [www.papiamento.aw](http://www.papiamento.aw).

Ta trata di buki pa diferente categoria di edad, no solamente pa mucha chikito, sino pa hoben tambe. Tin buki literario y informativo. Tin buki traduci y tin

obra original di diferente autor local. Riba [www.papiamento.aw](http://www.papiamento.aw) e bukinan ta parti den buki pa mucha of hoben y tin diferente categoria di edad.

Pa mas informacion relaciona cu Papiamento por acudi na e website [papiamento.aw](http://www.papiamento.aw) y/of sigui [@PapiamentoAruba](https://www.facebook.com/PapiamentoAruba) via Facebook.





ARUBA

# Problema di gang a laga un hoben herida atras

ORANJESTAD -- Dialuna anochi varios unidad policial a bay E.P.B Hato, unda un hoben lo a pidi asistencia. Tawata dialuna anochi, den careda di 9:30 cu polis a bay e scol E.P.B na Hato pa un posibel pelea unda un grupo

(gang) lo kier bringa cu un solo hoben. Parti anochi e edificio/lokaalnan ta wordo uza pa Openbare Avondleergangen Aruba, pues bou un otro director y no ta mescos cu E.P.B den dia. Durante anochi ta personanan di 17 aña bay ariba si nan ta cualifica por haya les. Pero, segun nos a compronde cu e problema ta keda unda cu hobennan cu a move for di E.P.B den dia ta bay anochi. Dialuna anochi a surgi un problema di gang, unda cu na prome instante a pensa cu un hoben a wordo hinca, pero a resulta cu e la ricibi

corta door di un obheto skerpi. Polis a logra haya unda e hoben ta biba y a papia cu ne. Lamentablemente parce cu e lo no entrega keho y hopi probabel cu ni kier tende di polis. Ta mustra cu "nan" mes lo kier of bay regla cuenta, cu tur e consecucionan negativo cu esaki lo trece cu ne. Manera semper nos a bisa; masha poco bo ta haya e pakico e hobennan aki tin problema cu otro; y ora bo tende e pakico hopi biaha ta pa cosnan insignificante. Pero, "nan" no ta mir'e asina.



Minister Maduro di Finansa ta informa:

## Presupuesto 2023 ta cambia e rumbo den finansa publico

ORANJESTAD -- Aña pasa na september 2022, Minister Maduro di Finansa a expresa cu Presupuesto 2023 ta uno historico ya cu e ta e prome presupuesto cu despues di 15 aña di tempo ta wordo entrega na tempo, y ta e prome presupuesto cu despues di hopi aña ta bay conoce un surplus. A medida cu e aña ta pasa por mira cu Presupuesto 2023 ta cambia e rumbo den finansa publico na Aruba den cual un maneho financiero serio ta resalta y ta resulta den extra surplus ta wordo uza pa baha debe y pa haci extra inversion conforme reglanan presupuestario.

**Tres novum**

Maneho financiero serio a hiba na mehoracion di e ciclo presupuestario di Pais Aruba. Asina nos por mira cu den Presupuesto 2023 tin 3 novum, pa prome biaha tin un surplus despues cu Aruba a conoce deficitnan grandi, a introduci un 'Nota di Comienso di Aña' pa asina Parlamento hopi tempran den aña por tin un bon bista di cambianan den ehecucion di e Presupuesto 2023, y

ta aplica pa prome biaha e maneho di 'meevaller,' den cual e resultado financiero riba e surplus di 1% di GDP por wordo destina 50% pa paga debe y 50% pa extra inversion. Ta cambianan grandi cu a wordo logra debi na trabou serio den ekipo y na un manera estructura.

**Surplus**

Den aña Presupuestario 2023 ta prome biaha despues di hopi decada cu ta logra un surplus den un presupuesto di Pais Aruba. E resultado financiero ta hiba na un surplus di 1.8% di GDP cu ta 0.8% mas cu e 1% di GDP cu a keda acorda como norma financiero pa aña 2023. Conforme e Protocol entre Aruba y Hulanda di aña 2018 cu ta contene normanan financiero pa yega na un finansa publico sostenibel, tur resultado financiero cu ta riba e surplus di 1% di GDP, por wordo uza 50% pa paga debe y 50% pa haci extra inversion. Esaki ta wordo yama e maneho di 'meevaller.' Den Presupuesto 2023 ta e prome biaha cu e maneho

di 'meevaller' angra den e Protocol di aña 2018 entre Aruba y Hulanda pa yega na finansa publico sostenibel, ta wordo ehecuta. Esaki ta significa cu e resultado financiero riba e surplus di 1% di GDP por wordo uza 50% pa paga debe y 50% pa inversion. E resultado ta 1.8% di GDP, pues di e 0.8% cu ta ekivalente na 50.2 miyon florin, e mita cu ta 25.1 miyon florin por bay na baha e debe di Pais Aruba, y e otro 25.1 miyon florin por bay na extra inversion.

**Inversion**

Gobierno ya caba pa 3 aña presupuestario ta trahando cu un lista aproba di inversionnan cu ta wordo selecta pa un Comision special di Departamento Economico y Departamento di Finansa. E Comision ta percura pa inversionnan cu ta bin na remarca pa wordo ehecuta, ta necesario, tecnicamente por wordo ehecuta y ta duradero. E 25.1 miyon florin cu ta bira disponibel conforme e reglanan presupuestario, lo wordo destina pa ehecuta 15 proyecto cu ta riba e

lista di inversion cu a pasa e evaluacion di e Comision special di Departamento Economico y Departamento di Finansa. Door di atende na un manera estructura cu e inversionnan necesario ta evita cu fondonan ta wordo destina na inversionnan cu ta 'ad hoc' of cu no ta

contribui na e bienestar general di Pueblo di Aruba. Den Presupuesto 2023 y den e Nota di Fin di Aña 2023, tin e listanan di e inversionnan cu por wordo ehecuta cu e suma total di 47 miyon florin cu ta disponibel pa inversion den aña 2023.

### Curpa di homber haya den estado avansa di descomposicion

**ORANJESTAD**

-- Diamars den oranan di atardi e lint geel di polis por a wordo mira altura di minimarket. Un persona a bati alarma, momento cu e lo a bay bishita un conoci y lo a haya holo fuerte, cu tawata motibo suficiente pa avisa autoridad. Berdad ora polis a yega,

no a keda nada otro pa pidi pa dokter y tambe departamento tecnico di polis. E persona posiblemente tawata tin algun dia cu e la fayece. Dokter cu a presenta na e sitio no por a constata nada abnormal ariba e curpa; y ta constata cu e persona a muri un morto natural.



## KÒRSOU

# Konsulta di kuater pais eksitoso

**WILLEMSTAD** -- Djabièrnè 27 di òktober a tuma lugá e konsulta di kuater pais tokante desaroyo sosial i labor na Renaissance Windcreek Hotel, na Kòrsou. E konferensia inisiá dor

di Minister di Desaroyo Sosial, Labor i Bienestar di Kòrsou, Ruthmilda Larmonie-Cecilia, a trese huntu minister i representantenan di Aruba, e islanan BES i Hulanda i Sint Maarten.

Algun representante di e paisnan a partisipá di forma digital.

Durante e reunion a diskutí aspektonan manera pobresa ku ta krese, konkurensia den maneho di trabou, maneho di emigrashon

i diferensianan den e fasilidatnan sosial na nos islanan.

Presentashonnan tokante e situashon aktual, bon práktika i kambionan planeá den e tereno di desaroyo sosial, a keda kompartí, ku atenshon pa e kolaborashon entre e islanan i posibel inisiativanan konhuntu.

Banda di tur e puntonan ku a keda diskutí, tambe a krea un laso mas estrecho entre

e islanan kual ta brinda oportunidatnan nobo pa desaroyo sosial.

Tur e delegashonnan a mustra nan satisfakshon pa e inisiativa aki i e éksito di dje.

Pa e motibu akí a stipulá ku e konsulta di kuater pais tokante desaroyo sosial i labor, ta tuma lugá kada aña, kreando asina un plataforma duradero pa kolaborashon.



*Servisio rápido, material di kalidat i preis skèrpi*

## Building depot a hasi re-apertura di Drive Thru

**WILLEMSTAD** -- Resientemente Buidling Depot a hasi re-apertura di su Drive Thru. E atardi a bai kompañá ku un happy hour pa kliente, empleadonan i provedornan.

Pa e renobashon akí, Building Depot a hasi un enkuesta entre su klientenan riba loke nan tabata ke a mira den e Drive Thru i kon por a mehorá e servisio di akuerdo ku nan nesidadnan.

Roderick Lucia di Building Depot a komentá: “Nos klientenan ta rei, ta nan por bisa nos di ki manera nos por sirbi nan mihó.

A base di nan kontestanan den e enkuesta, nos a traha riba e renobashon.”

E kambionan hasi ta netamente pa akomodá e kontratista i provedor ku tur dia di nobo ta bishitá nos. Por ehèmpel, a pone mas bentana, awor tin mas ventilashon, tin un mihó iluminashon, a basha un flur kompletamente nobo di un koló mas kla i ku tin un efekto ‘anti-slip’, ademas e ta muchu mas fásil pa mantené limpi, segun Lucia.

Lucia a sigui bisa, henter e Drive Thru a risibí bòrchi nobo, esaki ta hasié awor

mas fásil pa señalá material i pa e kliente identifiká e markanan mas mihó i hasi su kompra mas lihé. E renobashon a inkluí tambe un planifikashon nobo di e rèkinan di material, por ehèmpel awor palu ta poné horizontal, esaki ta hasi ku e kliente por mira e kalidat di palu mesora, ademas e ta mas fásil pa pone riba kualke trùk. E kaheeranan tambe a risibí un lugá nobo, klientenan por paga mas lihé i sigui mesora ku nan dia.

E Drive Thru di Building Depot ta konosí pa su bon servisio, kalidat stabil di material i preisnan skèrpi. E aña akí Building Depot a keda rekonosé pa di dos aña konsekutibo komo e provedor mas barata di material di konstrukshon. E kliente ta bon sirbí serka nos, esei ta nos mayor satisfakshon i di nan tambe. Nos no tin únika mente bon preis, sino tambe un bon konseho, bon servisio i un kompra rápido. Nos

sa ku den e mundu di konstrukshon, tempu ta esensial, asina Lucia a finalisá.

Kontratistanan por yega fásilmente i pidi un oferta detayá i na midí serka e tim di benta di Building Depot,

ya ku nan ta presente den e ‘Contractors Corner’. Semper por yuda e kliente pensa i konseh’é riba e mihó material i kantidat di dje pa su proyekto ta unu eksitoso.



DEPORTE

# Interes grandi pa Duoxtreme

Djadumingu e tene e kareda di baiskel anual Duoxtreme. E interes un bia mas tabata grandi ku un kantidat grandi di partisipante.



# Naturalesa den su gloria

*E dianan aki, debí na áwaseru, naturalesa ta den su gloria. Mata i palunan ta sakando flor. Tin palu, manera kohara, ta hañando fruta. Fotonan saká pa Bòl Antoin ta ilustrá flornan ku el a topa durante un trayekto di masoméno 5 kilometer.*



Popularidat ta relativo  
P'esei un propio estilo  
No solamente pa ta eksitoso  
Sino sigur mas balioso

**BròKèS 93.5 FM**  
pokopoko pero sigur mas i mas hende ta ...

*Skuch'è*  
Telefon/ WhatsApp +599 701 0935  
[www.radio935bonaire.com](http://www.radio935bonaire.com)

**We got the size and type of mattress for you!**

Smart shopping ▶ Better living

**END of YEAR**

**30 ANIVERSARIO**

Queen Bed  
**\$949**

Wooden Sideboard Cabinet  
**\$525**

Corner Bookcase  
SPECIAL PRICE  
**\$89**